

記 載

光緒三十四年九月大事記

初一日 大學士孫家鼐奏籌辦諮議局須兼顧民力

畧言時艱至此。非推行新政。預備立憲。不足圖強。茲爲第一年應籌設諮議局之時。益以新政最要之興學練兵等事。預算本年京外應支各款。較諸承平之世。實已數倍。無論部撥也。公債也。外債也。究其要。仍取之於民。聞直隸因辦諮議局。籌款多至六七十萬。以全國計。此費須千數百萬。統計九年內預備各項之費。非數萬萬不辦。憲政必須實行。民艱必需深體。仰懇飭下京外大小臣工。撙節核實。統籌並顧。毋圖強而速患。云云。聞摺上。袁尙書甚不謂然。請旨留中。此見於各日報所載。嗣有廣西咨調回省籌辦諮議局之唐蔣諸公。自津門來。言曾調查直隸籌辦經費。據該處云。尙無詳細預算表。計司選員二十四人。每人月薪七十金。每州縣選舉費三百金。建築及器具費約八萬金。綜計約十八萬之譜。然則所云六七十萬者。傳聞之誤也。各省辦法。照上開三項費目。大約未必多有。以江蘇論。各屬調查。多自任經費。造成人名冊而後送官。則司選員之用甚少。間有數屬非官催莫應者。酌委士紳。給以旅費。卽足集事。建築一項。多謂議員人數。多不過百餘人。爲公開准人旁聽計。擇較寬敞之廨宇。暫假用之。俟開局後議籌。亦無不可。至選舉費之三百金。各省恐未必能省。選舉經兩次。初選之投票區投票所。可以多至十處。辦理人員。固屬名譽職。中間不能無役使之。人自調查起。紙張筆墨。謄寫印刷。色色需費。特如江蘇各屬。人名冊多由地方造成。則費或可減。至籌辦之。分科宜少。用人宜精。而專不事事之。委官宜汰。除皆爲省費之道。平心而論。吾士民向無公權。所謂公門公差之類。但挾一公字。所

記 載

光緒三十四年九月大事記

八十九

戊申

記 載

光緒三十四年九月大事記

九十

十月

魚肉於無公權之士。民者費不在少。一旦披雲見天。移冤毒苦痛之資。爲擔保確實之用。較之向來力求撙節。以爲愛養之計者。措意正未可苟同。士民無監督財政之權。出一文亦病。誅求有監督財政之權。則豐儉惟力是視。取足辦吾事而後已。無庸拘昔日撙節愛養之套語。以短辦事者之氣。壽州元老。今世量出爲入之至理。未必復能悟及。願天下通人之持論。但以閒冗濫竿。鞭策各省籌辦處。勿議及薪費之多寡。致識者疑爲管仲之器也。

初二日 先儒顧炎武王夫之黃宗羲從祀 文廟 禮部等衙門奏請先儒顧炎武從祀。其王夫之

黃宗羲應否一律從祀。請旨辦理。諭三人均從祀。另奏會國藩從祀事。應緩議。旨允。觀王黃之必待請旨。知部臣於原君等篇。不無惴惴。樞府竟贊成之。立憲前途影響在是。曾文正從祀議緩。誠以門生故吏數十年來之推搡。今雖存者漸稀。然其欽仰曾門者。尙未脫前日標榜之餘習。文正好爲人師。以劉武愼之年輩。尙不免終執弟子禮。然則羅山不死。未必無北面時也。孔門箬錄三千。無此聲勢。宜數十年來請從祀者。相望。乾隆間山東按察使沈廷芳奏增祀曾子孟子弟子。及湯文正斌。得旨增祀之事。議論紛如聚訟。亦無實際政要。故不爲也。旋又諭從祀增損。無裨實政。昔人紛紛聚訟。已屬無謂。乃撫拾經生家言。連篇累幅。徒爲條奏塞責。國家激勵人才。信賞必罰。尙不能捷如影響。況以已往之人。用虛名進退。遽望其轉移風尙。直所謂不揣其本而齊其末耳。沈廷芳原有好名習氣。觀此可見。積習未除。其平日居官究竟何如。著傳諭阿爾泰。令其據實奏聞。尋奏沈廷芳人本迂腐。自以出身鴻博。每拘牽文義。喜尙虛文。於政事未能實力殫心。且有好名習氣。兼時有疾病。一切察吏明刑。終難望其整飭云云。諭既無大過。尙可姑容。次年南巡召見。卒追論其請增入祀。沿明季陳腐惡習。在臬不言臬。而喋喋於此。其職任曠誤必多。著原品休致。純廟論從祀。並不以爲人心世道有所裨補。其見輕於主權者如是。習於曾門者推

會文章道德後世自有定論必假朝旨以競兩廡之位次且必乘今日聲氣未泯之時其計甚左名譽之予奪本與政治無關專制之下士夫目光不同兩廡俎豆亦可以氣力得之豈知趙孟所貴趙孟能賤之愛文正者無爲請祀於目前徐以俟百世之定論可也

初三日

達賴喇嘛抵京

國家經營西藏。本雜誌本年第八期曾載言論一篇。紀述頗詳核。自明以來尊喇

嘛以佛號。義取懷柔。國初以佛爲蒙古所迷信。得達賴一朝。喀爾喀可不勞而定。而恐其不來。爰厚禮以致之。康熙末葉。以兵力平藏亂。雍乾兩朝。約束浸密。至定活佛聖籤法。以干涉其繼統。命大臣駐藏。統佐領驍騎校。一如內地駐防例。嗣是以後。若早輸以文化。收爲郡縣。何待今日。今乃爲英俄狡敵所迫。陰雨而始綢繆。誠以藏地形勝據亞洲大陸之脊。俯視印度。旁控英俄。所屬諸回。交通勤教。養盛征繕。此其建威銷萌。乃對待全球之計畫。然改革藏事。不得達賴。輸心未易。就範勞費猶其小者。自藏印通商。約成。英人已有插足之地。欲純以威力相壓。其間支節橫生。乘入覲以與熟商。事理祇應如是。稍稍優禮。以示籠絡。或者以爲詬病。何其偵也。將來國會與議財政。非知國家大計。何以共濟國無政黨。人人就其目光所見。以發言。則適成橫議而已。故國家近日之摧抑政黨。非自利之道也。彼橫議者何足責乎。至藏事之能否就緒。尙當徐觀其後。

派貝勒毓朗外務部右侍郎梁敦彥勞問美艦

此亦近日一大交際。往謝之使在途。來遊之艦日

近。中美之間。方謀兩利之道。此次勞問禮頗隆。當徐紀其事。亦一故實也。

貴州巡撫龐鴻書集士紳會議諮議局籌辦事宜

發問題凡八。懇摯可喜。爲各省所罕見。特紀之。

詳具憲政篇。

記 載

光緒三十四年九月大事記

九十一

戊申

記 載

光緒三十四年九月大事記

九十二

十月

于式枚奏考察普德憲法及普魯士憲法解釋譯要 見憲政篇。

初四日 農工商部奏遵設統計處編成第一次農工商統計表冊 畧言綜核各司卷宗。自光

緒二十九年七月。臣部開辦之日起。至三十三年十二月止。所有歷辦各項要政。約分農工商三大綱。酌定子目。如式填列。年經月緯。立總表以挈綱要。訂分表以紀事實。又言。臣部開辦之初。首以集合商會提倡公司。為整理商政之基礎。創訂公司律商會簡章公司註冊章程。奏准頒行。俾資遵守。猶慮商情未盡鼓舞。先後釐訂爵賞商勳獎勵公司等第。以示獎勵。遴派顧問官商務議員商務隨員。以資聯絡。比年以來。統計各省暨外洋各埠設立商務總會四十四處。商務分會一百三十五處。其農工商各項局廠公司之呈部註冊者。集股合費一百七十八家。獨費三十七家。呈部立案者。集股合資獨資一百四十家。分年立表。遞有增加。足見風氣日開。漸有起色。自三十二年九月奉旨。改為農工商部。遵將河工水利船政核銷諸政。逐項列入。三十三年九月間。奏定農會章程。通飭與辦。餘如農業學堂農事試驗場農業各局廠公司之報部立案者。亦均擇要編列。農政權輿。已可概見。工政項下。除臣部原辦之鐵路電報輪船劃歸郵傳部辦理。不再列表外。以礦務為大宗。迭經臣部奏定礦務章程。遴派礦務議員。奏設礦政調查局。廣開利源。嚴杜流弊。統計各省礦務報部核准給照者一百十處。其未經給照而由礦政調查局報告到部者。現開之礦四百十處。未開之礦三百八處。已傳之礦二百二十處。以及工業各局廠公司之報部立案者。罔不條舉件繫。按表可稽。至臣部綜理實業。為中外觀聽所繫。歷經奏辦農事試驗場工藝局高等實業學堂藝徒學堂勸工陳列所。並設立繡工科銀器科印刷科商務官報局。經營壁畫樹之風聲。建首善於京師。示通國之模範。各立專表。俾稽成績。統計農工商三項得總表四分表四十有九。而臣部職官經費各局所辦事員。亦各另立一表。

以備考核。業已編校完竣。一律告成。謹彙裝六冊恭呈 御覽。其各直省未經報部之農工商事宜。業由臣部釐訂表式。通飭調查。應俟報告到時。陸續彙齊填報。總期綱舉目張。實事求是。以仰副 朝廷振興實業纂輯政要之至意。云云。綜觀所奏。農工商部。自光緒二十九年七月。至三十二年九月。原稱商部。尚書載振。頗以能洽商情著。今觀奏中所稱經理商政。恆以聯絡鼓舞為主。實有浹洽商人之意。自餘文牘之查核。建設之鋪張。蓋無復有與國人相見以心者。振貝子之遺愛。夫豈偶然。上年以御史趙啟霖。指兒女子遊戲事。詆其私德。齟齬去之。啟霖方以風力聞天下。吾國公私之界。不瞭往往如此。至奏中既稱工政。又言劃歸郵傳部。郵傳部豈能代管工政。況營利事業。無論國有民有。官有必有公司。局廠屬商政之範圍。奏中并不復言之。外國遞信省農商務省。原吾設官之初意。豈非取法有自。胡獨於職制不一詳考。且即以舊章而論。六部各有名義。其互相關聯之政。有會同辦理。無劃出不問。此為曠職。彼為侵官。皆行政法不講之故。明年籌備事宜。有釐訂京師官制之項。倘以此與

初八日 派達壽張蔭棠照料達賴喇嘛

初九日 上海租界第二次掣閉煙館又四之一

始吾國朝野皆議禁煙。租界不為助。吸煙之徒。幾以租界為逋逃薮。泊外人察我禁煙非口惠。則下令分四次禁盡。聚租界煙肆而籤掣之。掣應閉者即閉。不容有異言。此舉為第二次掣籤。談者謂吾內地煙禁之厲。初不逮也。惟吾國於此舉尚有真意。是月初四。禁煙大臣調取理藩部咨送情形可疑人員。內有筆帖式啟綬。候補主事文陞。啟綬以土膏擦衣上。咀吮過癮。并與文陞串通授受。立奏請將啟綬革職。並銷除本身旗檔。特旨依議。仍著該大臣等隨時認真查驗。毋任欺朦。以除痼習。並由禁煙大臣咨行理藩部照章參處文陞。至十五日。由部奏請將文陞休致。此亦震動耳目之一端也。

記載

光緒三十四年九月大事記

九十三

戊申

記 載 光緒三十四年九月大事記

九十四

十月

中日合辦鴨綠伐木公司行開業禮 中外官商到者甚衆。

初十日 湖北紳民開會於貢院議川漢路事 大學士張之洞前督湖廣久奏此路歸鄂自辦一切以

官爲政。不假手於士民。遂歷年無成效。至是郵傳部以整理藏政。非川漢路成不可。自宜昌以東之川漢線。即前奏所謂歸鄂自辦者。惻憐鄂人。將以京漢路利由部辦此。張相仍爭鄂辦。主借外債由官辦其半。鄂民以租捐爲商股承其半。蓋部尙習以虛聲張相則以官力壓商力以外資杜內資。所謂官商合辦者。又強徵不營商業之農民而并名之曰捐。以示使民拋棄之意。鄂人見遠者心非之。又召數紳爲代表。至京與議。故有此會。夫代表不由所代表者推舉。乃由其相爭議之一方指名索召。幸而近年士紳稍憚清議。既加以代表之名。不敢不先取公衆之同意。若數年以前。且未必有此會矣。是日有子浦泉意見書。主商辦最力。且規畫頗周密。文繁不具錄。

十一日 諭定畫一幣制

諭見法令類。始議幣制。商民及度支部。均以行七錢二分之銀圓爲便。樞廷多主

庫平一兩重幣。議久不決。樞臣中大學士張之洞。更主一兩足成。至是始具奏。盡駁七錢二分之說。而以應否足成請旨定奪。遂以用一兩不用足成。勒爲經制。夫已往之辨論不足言矣。苟畫一二字可恃。究勝於今日之漲落無定。民無以聊其生。然此次政務處所奏。諭旨所定。並未及法償之數。與補助貨之起點。將來銅幣之與銀相配。究準何時。銀價究用何種銅圓。以爲值不滿五分銀幣之物。之代價是否仍以銅幣一枚當舊日制錢之十枚。而以制錢一枚爲起點。銅幣與銀幣之法償是否一定抑別鑄一種銅圓爲銀銅比價之用。均無所取。準是今日之所謂畫一。其結果止得銀塊銀幣不相漲落之一便。如近日滬甬兩埠用銀用圓不同。因生賣空買空之病。此可免矣。若江蘇之丁忙改章。官持徵銀解銀之說。而民苦之。此乃銀銅比價之問題。繼自今所得益於此次之畫一者了不可見。

小民生計畸零之關係爲多恭奉此諭並未見德意之所在意此在度支部籌備中乎然觀政務處原奏本擬用十成足銀加三分雜質此所加之虧耗指抵各款中有銅圓餘利在內豈尚將鑄無制限之銅幣耶鄭重乎欽定幣制乃補助貨階級不完民間物價尙在不可思議之地大旱之雲霓未知何日應吾民之望也

十四日

郵傳部奏訂匯豐匯理兩銀行借款合同又奏公債章程

爲贖京漢鐵路之用京漢

路爲中國國家產業所謂國有鐵道是也還本收利事係財政與郵傳部無涉此次借款自以國家爲主名指抵各項又皆地方所負擔未知何以由郵傳部具借往者江浙拒款事起英據外部約言強我承借人民不受勉由郵傳部轉圜猶曰路政與部有關於代辦路者作調人耳今爲國有財產籌收贖其責任當由度支部爲主而郵傳部在咨會之列至國債更非度支部不當發行今變其名曰公債以影射若地方團體者然要之債務必有拔還之抵款郵傳部指路作抵則此路究係國有抑爲郵傳部有乎指國有財產借債非國債而何以似此大有關係之財政不由國家理財之專部當之十日以前農工商部劃工商之政歸郵傳部越十日而度支部又以財政歸之議者竊疑中國之政府一郵傳部足以了此矣嗚呼明年籌備釐定京師之官制其又以此與十日之間而兩部忘其職掌如政體何

十七日

吉林自治會解散

吉林自治會會長松毓綠旗籍而洞達治體竭力補助憲政發人民愛國心提倡之力甚偉此次以請縮短國會年限政府斥爲浮囂無序解散是會並停其所出公民報天下惜之據聞發難者

爲染指不遂挾嫌訐控之張松齡儉人何地蔑有卽政府亦並不究其所控明正其罪但曰請縮短國會年限而已以意度之吉長保路一會亦取厭於官之道乎吾聞專制之世有離析士民不許族談者矣國方立憲屢挫鼓吹憲

記 載

光緒三十四年九月大事記

九十六

十月

政之人抑又何也。

二十日 達賴喇嘛覲見於仁壽殿

俟 兩宮辦事召見大臣後。已初入宮。達賴跪拜時。皇上起立。旋

卽賜座頭。憶國初達賴入京。廷議相見禮。滿大臣主張。皇上跪迎。漢大臣諱然。世祖獨斷從漢大臣。乾隆以後。活佛勢力固大殺。然吾內地不早被以聲教。至今尙類化外。非徒藏民崇拜達賴如帝天。蒙古猶然。是吾國家自留其宗教之餘威。今爲邊圉計。優禮以示羈縻。道固宜爾。聞達賴以通兩藏鐵路爲急。並陳整頓六策。大致係請頒禮教法規。宣布印藏界址於保和會。請由薩拉起首。漸次開採各礦。並增設各項學堂。妥訂保藏政策。重訂傳教約章。等。又聞達賴於提議整頓藏事。始頗唯唯。諾諾。有不置可否意。嗣已就範。又達賴通俄文。言事恆以俄文屬草。晤各國外交官。惟俄使不用通譯。能縱談云。其進方物。被賞寶。皆故事不足紀。聞甚至有近畿僧徒。以廟產往往供公用。訴於達賴者。經巡警驅逐。並傳知達賴以釋疑。佛教不振。其愚如此。達賴從者頗有不檢。有司以科律繩之。朝廷輒不問。是亦各盡其道也。

二十一日

津浦鐵路擬洛口建橋祭告黃河行開工禮

督辦大臣呂海寰主建橋於此。呂亦山東

人。山東士紳頗異議。說帖紛馳。今尙未定。此亦工事河防地理諸家一研究點也。

驗看學部考驗游學畢業生陳振先等若干人

給出身有差。

二十四日

湖北紳士開質問會

湖廣督臣陳夔龍。始遵

旨改原有諮議局爲籌辦處。札稱以程度不

及而然。聞者笑之。既設籌辦處。一切委官士紳置之膜外。不復有知其所辦何事者。是日集會黃鶴樓。東請籌辦處總辦以下諸人。問其何以措手。總辦爲道員喜源。會辦爲知府黃以霖等。互有詰難。喜源詞窮不終會而去。士紳仍

以定章及憲政編查館咨文爲根據。究其何以不奉法焉。夫諮議局。士民言論之地也。選舉資格。惟士民能自調查。鄂大吏於調查選舉。一切倚官而辦。深閉固拒。惟恐士民與知。豈將來開會亦能以官吏代士民乎。即論調查人名冊宣示之後。更正之權。將仍由官任意准駁乎。此本士民之事。官特執義務於其間。不欲勞我士民。或出於摯愛。至不使士民與知。殊不可解。充其阻撓之力。不過令隔膜之官糾擾其間。更正訴訟造成無窮支節。或至誤開會之期。而後已。豈知支節生自士民。則士民職其答。標士民於門外。而生支節。煌煌功令。豈鄂官能以意撓亂耶。夫亦太牘憤矣。

二十七日

湖北紳民再開大會議川漢路事

初十日一會。商界到者無幾。張相官商合辦之說。衆論

互有異同。中無投資者。雖有欲主商辦之人。亦無所示其能力。至是特遍約軍學紳商大會。決議商辦。認股約四百萬。路線改張相所定。大致從于浦泉說。避漢沔低窪之患。並商定對付張相之形式。先電京。張相意旨未可知。近日報章專電。乃或言張相樂贊成商辦而郵部不從。夫果得張相悔禍以玉成鄂之福也。

二十九日

諭未列九年籌備單內各衙門照前格式分期臚列九年應有辦法

諭文見法

令。

憲政篇

九月初三日。有考察憲政大臣于式枚。考察普德憲法成立情形。及普憲法解釋要譯呈覽兩奏。式枚始抵德之奏。極爲公論所不與。此次具奏。首述憲政編查館開送考察憲政要目。